

| | |
|--|----------------------|
| Li empereres en tint sun chef enclin; De sa parole ne fut mie hastifs: Sa custume est qu'il parolet a leisir. | Bednaříková, Marta |
| Quant se redrecet, mult par out fier lu vis; Dist as messages: «Vus avez mult ben dit. Li reis Marsilie est mult mis enemis. | Brabencová, Jana |
| De cez paroles que vos avez ci dit, En quel mesure en purrai estre fiz?» – «Voet par hostages,» ço dist li Sarrazins, | Feríková, Pavlína |
| «Dunt vos avrez u dis u quinze u vint. Pa[r] num de ocire i metrai un mien filz, E sin avrez, ço quid, de plus gentilz. | Kalášková, Lenka |
| Quant vus serez el palais seignurill, A la grant feste saint Michel del Peril, Mis avoez la vos sivrat, ço dit; | Kniežová, Zuzana |
| Enz en voz bainz que Deus pur vos i fist, La vuldrat il chrestiens devenir.» Charles respunt: «Uncore purrat guarir.». | Konôpková, Lucia |
| Bels fut li vespres e li soleilz fut cler. Les dis mulez fait Char[l]es establer, El grant verger fait li reis tendre un tref, | Košařová, Markéta |
| Les dis messages ad fait enz hosteler; XII. serjanz les unt ben cunreez. La noit demurent tresque vint al jur cler. | Koukalová, Jana |
| Li empereres est par matin levet; Messe e matines ad li reis escultet. Desuz un pin en est li reis alez, | Langová, Bronislava |
| Ses baruns mandet pur sun cunseill finer: Par cels de France voelt il del tut errer. Li emper[er]es s'en vait desuz un pin. | Miklošková, Lucie |
| Des Francs de France en i ad plus de mil. Guenes i vint, ki la traïsun fist. Des ore cumencet le cunseill que mal prist. | Mináriková, Katarína |
| «Seignurs barons,» dist li emperere Carles, «Li reis Marsilie m'ad tramis ses messages; De sun avoir me voelt duner grant masse, | Nedbálková, Petra |
| Urs e leuns e veltres caaignables, Set cenz cameilz e mil hosturs muables, Quatre cenz mulz carguez del ór d'Arabe, | Nechvátalová, Jindra |
| Avoec iço plus de cinquante care; Mais il me mandet que en France m'en alge: Il me sivrat ad Aís, a mun estage, | Nováková, Ivana |
| Si recevrat la nostre lei plus salve; Chrestiens ert, de mei tendrat ses marches; Mais jo ne sai quels en est sis curages.» | Otrubčiaková, Ita |

| | |
|---|----------------------|
| Dient Franceis: «Il nus i cuvent garde!» Li empereres out sa raisun fenie. Li quens Rollant, ki ne l'otriet mie, | Procházka, Libor |
| En piez se drecet, si li vint cunredire. Il dist al rei: «Ja mar crerez Marsilie. Set anz [ad] pleins, que en Espaigne venimes; | Relichová, Dana |
| Li reis Marsilie i fist mult que traïtre: De ses pa[ens il vus] enveiat quinze, Cha(n)cuns portout une branche d'olive; | Růžičková, Linda |
| Nuncerent vos cez paroles meïsme. A vos Franceis un cunseill en presistes: [...] Faites la guer[re] cum vos l'avez enprise | Řiháková, Tereza |
| En Sarraguce menez vostre ost banie, Metez le sege a tute vostre vie, Si vengez cels que li fels fist ocire!» | Schlemmerová, Marta |
| Li empe[re]re en tint sun chef embrunc, Si duist sa barbe, afaitad sun gernun, Ne ben ne mal ne respunt sun nevuld. | Soukalová, Barbora |
| Franceis se taisent ne mais que Guenelun, En piez se drecet, si vint devant Carlun, Mult fierement cumencet sa raisun, | Spasova, Valerie |
| E dist al rei: «Ja mar crerez bricun, Ne mei ne autre, se de vostre prod nun. Quant ço vos mandet li reis Marsiliun, | Strnadová, Soňa |
| Qu'il devendrat jointes ses mains tis hom, E tute Espaigne tendrat par vostre dun, Puis recevrat la lei que nus tenum, | Šedrllová, Magdalena |
| Ki ço vos lodet que cest plait degetuns, Ne li chalt, sire, de quel mort nus muriuns. Cunseill d'orguill n'est dreiz que a plus munt, | Šípková, Štěpánka |
| Laissun les fols, as sages nus tenuns.» AOI. Apres iço i est Neimes venud; Meillor vassal n'aveit en la curt nul, | Švédová, Lenka |
| E dist al rei: «Ben l'avez entendud, Guenes li quens ço vus ad respondud, Saveir i ad, mais qu'il seit entendud. | Tabačková, Barbora |
| Li reis Marsilie est de guere vencud: Vos li avez tuz ses castels toluz, Od voz caables avez fruiset ses murs, | Vašková, Petra |
| Ses citez arses e ses humes vencuz; Quant il vos mandet, qu'aiez mercit de lui. Dient Franceis: «Ben ad parlet li dux.» | Vlček, David |